

Akana veche pash tute ka beshel.

Thay mukla e gurunya, mukla pe daya, mukla i romnya. Inklyola. Te phenav kale dizatar zhala avere dizate. Ey kote, dur zhala. Te phenas ko more pesha zhala. Phenla:

– Ker mange. Mamo, ekh bokoli! Pek mange, mamo, ekh kahnya! Thov mange ando gono. Me iklyav.

Kerela leske ekh bokoli, pekela leske ekh kahni, thoola leske ando gono. Iklyola.

Gelo, gelo, gav-gavestar phirdya, kerdyas. Beshto, halyas akana. Londo si o habe, prepilyas oes leste pani. Nanay katar te piel. Brey, katka-kytka, dikhla ekh hanik. Dikla ando hanik – svetinela. Phendyas:

– E! So! Averte nanay pani. Me ka uhlyav kale hanikate te piyav pani thay togava ka iklyav te oprodalzhinav.

Dinyas andi hanik. Kole hanikate ulo samo zlato, diamanti. Gelo, kerela vastentsa te piel pani, ko vasta samo kuvka achhyola – zlatos. Khay hurde bara pherdo. Kate e tswrvulya..., kate gazindyas e tswrvulentsa – vsichko zlatos achhilo. Lela e bara, thovela pe kustikate. Phenla: „Ama mi romni ka khelel peske kaka barentsa. Ta li me ka khelav kaka shukar barentsa.“

Pherdas pi kustik barentsa. Inklistilo, gelo ko drom. Akana pala nakhna e dzhambazya. Lela koa gono, dela ko dzhambazya.

– Ka imgalen o gono – phenla – me romnyake thay mere dayake. Te khelel peske mi romni kala barentsa.

Lena o gono e dzhambazhya, dena les leske romnyate. Oy phela:

– Brey! Akana siem po-barvale me dadestar! Mo dat si thagar, ama me siom po thagarni lestar!

Lela kala bara, preberinela len. Zhala, lela peske ekh bar, kerela peske ekh baro kher. Obzavedinel, kerela grradines.

Akana beshela ekh bersh. Nanay buki. Zhala ekhe bareste – pashyola, soola, ushtela. Phenla: „Eh, katar...! Nikon na vikinél man te kerav buki! Shte-ne shte ka dzhav mange khere.“

Ushtela, zhala peske khere veche. I phirla. Phenela: „Katka sine mari koliba, be! Kay havas meri trahanitsa katka, be! Kay li geli mi kolibitsa, be?“ Pala kola bare khera si leskere. Ha kate rodiba– ha kote rodiba, nanay leski koliba. Nashti arakhel pi koliba. Lel pala, phendyas: „Ka pashoyav kale stwlbishtende andi rat. Kay disyola ka dikhav te arakhav mi thugarin“. I pashlilo othe, zasuto.

I thagarni leski ushtini andi noshnitsa yavinatar. A be, bogata rabota. Parvalipe but. Kay ushtela leski day, phendzhardyas les. Phendyas: